

Broj:03-02-1409/2014  
Sarajevo, 09.12.2014. godine

PARLAMENT FEDERACIJE  
BOSNE I HERCEGOVINE



- Predstavnički dom  
gosp. Edin Mušić, predsjedavajući

- Dom naroda – *u*

Poštovani,

Na osnovu člana 82. stav 4. Zakona o zdravstvenom osiguranju ("Službene novine Federacije BiH" br. 30/97, 7/02, 70/08 i 48/11), radi informiranja, dostavljam **ODLUKU O IZDVAJANJU SREDSTAVA U FOND SOLIDARNOSTI FEDERACIJE BOSNE I HERCEGOVINE ZA 2015. GODINU**, koju je Vlada Federacije Bosne i Hercegovine donijela na 142. sjednici, održanoj 04.12.2014. godine.

S poštovanjem,

**PREMIJER**  
**Nermin Nikšić**

Na osnovu člana 82. stav 4. Zakona o zdravstvenom osiguranju („Službene novine Federacije BiH“, br. 30/97, 7/02, 70/08 i 48/11), na prijedlog federalnog ministra zdravstva, Vlada Federacije Bosne i Hercegovine, na 142. sjednici, održanoj 04.12.2014. godine, donosi

**ODLUKU  
O IZDVAJANJU SREDSTAVA U FOND SOLIDARNOSTI FEDERACIJE BOSNE I  
HERCEGOVINE ZA 2015. GODINU**

**I.**

U cilju osiguranja sredstava federalne solidarnosti, za finansiranje prioriternih vertikalnih programa zdravstvene zaštite od interesa za Federaciju Bosne i Hercegovine i za pružanje prioriternih najsloženijih oblika zdravstvene zaštite iz određenih specijalističkih djelatnosti na teritoriji Federacije, u fond solidarnosti Federacije Bosne i Hercegovine, u 2015. godini, izdvajat će se 10,2% od ukupnih prihoda ostvarenih po osnovu doprinosa za obavezno zdravstveno osiguranje.

**II.**

Doprinosi za obavezno zdravstveno osiguranje uplaćuju se na račune zavoda zdravstvenog osiguranja kantona i na račun Zavoda zdravstvenog osiguranja i reosiguranja Federacije Bosne i Hercegovine za uplatu izdvojenih sredstava fonda solidarnosti određenih Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine („Službene novine Federacije BiH“, br. 35/13, 53/13, 63/13, 93/13, 103/13, 11/14, 19/14, 46/14, 60/14 i 64/14), po važećim stopama, te se usmjeravaju u sljedećem omjeru, i to:

- 89,8% na propisane račune zavoda zdravstvenog osiguranja kantona od ukupno obračunatog iznosa,
- 10,2% na propisani račun izdvojenih sredstava fonda solidarnosti Federacije Bosne i Hercegovine Zavoda zdravstvenog osiguranja i reosiguranja Federacije Bosne i Hercegovine.

**III.**

Vlada Federacije Bosne i Hercegovine će obavijestiti Parlament Federacije Bosne i Hercegovine o ovoj odluci i to u roku od 15 dana od dana donošenja ove odluke saglasno članu 82. stav 4. Zakona o zdravstvenom osiguranju („Službene novine Federacije BiH“, br. 30/97, 7/02, 70/08 i 48/11).

IV.

Ova odluka stupa na snagu narednog dana od dana objavljivanja u „Službenim novinama Federacije BiH“, a primjenjivat će se od 01.01.2015. godine.

V. broj: 2160/2014  
04.12.2014. godine  
Sarajevo



**PREMIJER**  
**Nermin Nikšić**